

欽定大清會典圖

欽定大清會典圖卷一百四十七

輿地九


錦州府圖


昌圖府圖

鳳凰廳圖

興京廳圖

錦州府圖





錦州府在省治西南四百九十里。至


京師一千一十里。領州二縣二治。錦縣西南甯遠
州東北義州廣甯。海在府南。東接奉天府海城
縣界。為廣甯縣南境。青沙坨及莽獐湖諸水西
南流入焉。又西板橋河出縣西老爺嶺東沙河
及楊郎河出縣西北醫巫閭山合南流入焉。又
西閭陽驛河亦南流入焉。又西南為府治錦縣
南境。枯凌河入焉。又西南大凌河自朝陽縣九
關臺門南流入界。右納柳河川水。經義州西北
折東南至得勝堡。右合一小水。又東至州治北。


又東。左合一小水。又東南經平房峪北。清河上游曰翁格勒庫河。即古榼倫水。自朝陽縣東南流。經清河門西入界。合細河南流注之。又南屈西。經府治東。右納大蛤蜊河。又東南入馬。又西。小凌河自朝陽松嶺子門西流入界。經義州西南。東南流。經班吉塔南。左納楊樹溝河。又東。經錦縣西。亦曰錦川。至府治東南。女兒河一曰鄂欽河。自朝陽縣來。經甯遠州西北。東流注之。小蛤蜊河合二道河南流注之。又南流入馬。又西。高橋河合七里河南流入馬。又西南。飲馬河周。

柳河連山河五里河俱南流入焉。又西南為甯遠州南境。其南有覺華諸島。西河三源俱出州西北。東南流經州西。東河出州東北水口西南。流經州東。合南流入焉。又西煙臺河南流入焉。又西南六州河自栗樹溝門南流。合黑水河及一小水。經中後所城北。東南流入焉。又西貓眼河。高兒河。石河中前所河。九江河俱南流入焉。又西接直隸永平府臨榆縣界。醫巫閭山在廣甯縣西北。牽馬嶺在廣甯縣西南。松山在錦縣南。杏山塔山俱在錦縣西南。府東及東北界奉

天府。西至北界直隸承德府。南及東南界海。西
南界直隸永平府。

昌圖府圖





昌圖府在省治北二百四十里至

京師一千七百四十里。領縣三。東北奉化。懷德。西
康平。遼河自吉林。吉林府伊通州西北流。經赫
爾蘇門。分流入界。經奉化縣東。懷德縣西南。合
北流。左納積水河。右納一小水。又北經朝陽坡。
又北香水河。經黑林子西北。流注之。又西北復
分。雙龍河出懷德縣大青山西南。流注之。復合
西北流。右納二小水。經哈拉巴山南。至奉化縣
北。折西南。分流復合。經康平縣東北。外遼河即
錫喇穆倫。自蒙古達爾罕王旗東南。流合二水。

來會。又西南經府北。南流經金家屯。北支津西。南出為背河。右納蒙古王旗界之公河。及縣南。北合流二水。其正渠經金家屯。西受招蘇太河。河自邊內西北流。經奉化縣西北。合車家窪河。至府西北。合條子河。及二小水。又西南四面城。河蓮花泡河合。西南流注之。又南注遼河。遼河。又南合支津。入奉天府開原縣界。馬鬣河自邊內西南流。經府治南。又西南至馬千總臺門西。入開原縣界。亮子河亦自邊內西流。經府治東北。左右各合二小水。亦入開原縣界。新開河自


邊內北流。經懷德縣東南合太平河東北流。經
白龍駒山入吉林長春府界。府東及東南界吉
林吉林府。西至北界蒙古王旗。南及西南界奉
天府。東北界吉林長春府。


鳳

凰

廳

圖





鳳凰廳在省治東南四百八十里至

京師一千九百八十里領州一縣二東南安東西
南岫巖州東北寬甸海在廳南自朝鮮界西為
安東縣南境又西為廳治南境又西為岫巖州
南境有石城諸島又西接奉天府金州廳界鴨
綠江自


興京廳懷仁縣西南流經寬甸縣東南其南岸為
朝鮮義州界混江亦自懷仁縣東南流合小雅
河北鼓河南鼓河及諸小水來會又西南右納
數小水及小蒲石河又西南經盤道嶺有數小


水合南流注之又西合長甸河諸水又西大蒲
石河出縣北白石砬合螞蟻河東來一小水望
寶石河南流注之折而南合安平河經安東縣
東又南受靉河河出寬甸縣牛毛嶺西流經靉
陽門北至廳東北合一小水屈東流復經縣西
北左納牛尾生河又南屈西經廳東北石頭城
西右納賽馬集河又西南經石橋至廳治東南
草河出廳北草河長東南流合通達堡河注之
復折東南經安東縣西北右納湯河屈東流經
九連城北左納夾河水又東南經虎耳山南會

鴨綠江鴨綠江又西南經安東縣東右納沙河
及二小水至趙溝南合大河入於海大洋河出
岫巖州西北東南流經州治北右納大王河雅
河至州治東南右納攔溝河又東南哨子河自
州北合清河東南流來會又經廳西折南左納
二小水又南右納州東南小洋河至大孤山南
入於海太平溝在安東縣南龍胎河在鳳凰廳
南沙河英阿河大莊河在岫巖州南並南流入
於海鳳凰山在廳東南廳東及東北界

興京廳西至北界奉天府南界海東南界朝鮮

興
京
廳
圖





興京廳在省治東三百二十里至

京師一千八百二十里。領縣二。東通化。東南懷仁。
鴨綠江自吉林長白山南流。折西合二十一道。
溝水。經通化縣東。其南岸為朝鮮界。經帽兒山。
南。折西南流。合二小水。又西南經懷仁縣東。至
通溝城。右納通溝河。又西南。右納太平溝河。及
榆樹林河。又西南。合一小水。又西經岔溝門。合
外岔溝河。又西。混江來會。江出通化縣東北。三
岔。合二水。西南流。經紅汀。折而西。合南來一小
水。又西。左合數小水。至縣治東南。哈泥河出縣。

東北老岡。西流合二密河。橫道河折而南注之。
又西經縣治南。前營溝折而南。拉姑河合蝦蟆
河。及一小水。東南流注之。又南葦沙河出縣東
南老嶺。合螞蟻河。高力河西北流注之。又西經
江甸西。至懷仁縣東北崗山。富爾江自通化縣
西北金廠嶺南流。經旺清門。合旺清河。東流來
注之。又南。新開河亦出老嶺西北流注之。折西
至縣治北。又屈西南。右納六道河。復折東南。右
納大雅河。又南經秋皮嶺。屈東流。左納上漏河
及裏岔溝河。又東南與鴨綠江會。鴨綠江又西

南入鳳凰廳寬甸縣界。渾河出廳東北滾馬嶺，西流左合數小水，折而北，經下寨東，納英額河。復折而西，罕羊河自其南合，一小水注之。又西經油葫蘆，至札木火洛迤西南，右納年馬州河。折而南，經營盤東，蘇子河自廳東分水嶺西流，經治北，合北來一小水，注之。又西左納溫道河。又西右納一小水，經夾邦南。又西南右納柳林河。又西經撫順南，入奉天府承德縣界。馬郡丹河出廳治西，西北流，合一小水，又西北經救兵台，入承德縣界。太資河二源，北源出廳西南平

頂山西流右納葦子峪河至馬家城西南源出
懷仁縣西南老嶺並西流入奉天府遼陽州界
輝發江一名柳河出通化縣南山城北流入奉
天府海龍廳界伊通河亦出金廠嶺東北流經
向陽鎮迤東北經柳河鎮東合一小水又東北
亦入海龍廳界窩集河出通化縣北境東北流
合勝水河亦入海龍廳界三通河出通化縣北
合馬鹿溝藍山川大花斜諸水東北流經釣魚
台東至孤山南右納板石河水又東北涼水河
合兩岔頭水自其南注之又東北右納小金川

水。又東北。右納一小水。又東北。右納三道河水。
又東北。右納大小灘平水。又東北。流亦入海龍
廳界。


啟運山在廳東北。廳東及東北界吉林府。西至北界
奉天府。南及西南界鳳凰廳。東南界朝鮮。


欽定大清會典圖卷一百四十八

輿地十

吉林省全圖


吉林省全圖一






吉林省全圖二

左中
一






吉林省全圖

中北


一




吉林省全圖

北 左

— —







吉林省全圖

中北

二







吉林省全圖

北 左


一 二






吉林省全圖

中北
三





吉林省在

京師東北。吉林府為省治。吉林將軍治焉。將軍本屬

城一

吉林城

所屬副都統城五總管城一協領城二

府二廳四。吉林城之北打牲烏拉城西北伯都訥

城拉林城東北阿勒楚喀城三姓城富克錦城

東甯古塔城東南琿春城西北長春府北伯都

訥廳東北五常廳賓州廳雙城廳海在省東境

北接俄羅斯界南接朝鮮界松花江數源自吉

林府長白山北流輝發河自奉天府來注之又

合溫都亨河依罕阿林河溪浪河曲西北流經

長春府北。伊通河合伊勒們河北流注之。又西北緣郭爾羅斯旗界會嫩江。是為混同江。緣界折東經伯都訥廳北。至拉林城北。拉林河合莫勒恩河西北流注之。北為黑龍江呼蘭城界。又經雙城廳北。至阿勒楚喀城北。合阿勒楚喀河。經賓州廳北。又東入界。合螞蜒河。又東北經三姓城北。瑚爾哈河合瑪爾瑚里河。海浪河東北流注之。倭肯河西北流注之。又東北復緣呼蘭城界。經富克錦城北。又東北黑龍江自黑龍江城東南流來會。又東北過喀爾喀山東。烏蘇里

江出錫赫特山合興凱湖大穆稜河挽力河東北流注之。又北合格林河興滾河噶穆河入於海。圖們江自長白山緣界東流。經琿春城西北南岸為朝鮮界。駭浪河合嘎雅河南流注之。琿春河西南流注之。又東南經琿春城南入於海。約色河瑚爾新河並東流入於海。赫爾蘇河自盛京奉天府北流入界。經長春府南入。

盛京昌圖府界東至海。西至

盛京界。南至朝鮮界。北至俄羅斯界。東北至內蒙古哲里木盟界。


欽定大清會典圖卷一百四十九


輿地十一

吉林府圖

長春府圖


吉林府圖一






吉林府圖二

中
右
一



吉林府圖三

中北
一



吉林府為吉林省治。至

京師二千三百五里。領州一縣。一東敦化。西南伊通州。松花江東源二出府南。長白山西北麓。一曰安巴圖拉庫河。即小土拉庫河。一曰阿濟格圖拉庫河。即大土拉庫河。自山巔之闕門潭流出。合而西北流。尼雅穆尼雅庫河合裏馬鹿溝。黃花松溝。四道白河。三道白河。二道白河。自東南來注之。又西北右納三母石河。與西源會。西源亦有二。曰額赫額因河。曰三音額因河。并出山之西麓。合而北流。左納雅哈河。那爾混河。尼

什哈河折東北與東源會而西北流。經府東南之煙筒山西受輝發河。河自奉天海龍廳來。東北流經伊通州東南。當石河出馬鬣嶺合。林家屯河紅土屯河賓山屯河南流注之。又東北交河自奉天海龍廳緣界北流注之。又東北細鱗河石頭河富太河獨立河豬鬃河呼蘭河金沙河自其北注之。託佛別河報馬川河石頭河色力河法別河蘇密河公別河大小蘆箕河自其南注之。又東北經府南大萬兩河出伊通州東南那爾森山合小萬兩河家鷄河東北流注之。

又東北注於松花江。松花江東北流，右納大小穆欽河，小加皮溝，五虎石河。又東，古洞河自琿春城來，西北流，合富太河，注之。又屈曲而北，右納漂河及芒牛溝河，折西北，受拉法河。河出府東北，西南流，經土山屯西，右大沙河，十道河。又西南，經拉法站及北崴子屯東，左納大蛟河。又西南，注於松花江。松花江又西北流，左納螞蟻河、海浪河，右納響水河、涼水河。大富太河，小富太河，雅門溝河，又西北，額赫穆河西流，注之。又經治城西南，溫德亨河自大黑山北流，合大水。

河折東北流來注之。又東北經治城東折西北至龍潭山西。依罕阿林河即一漢河出府東老爺嶺北合嘎雅河雙岔河西流注之。西沙河東流注之。又北經金珠鄂佛羅站西右出支津曰富爾屯河。北流溪浪河出府東北合喀岔河來會為舒蘭河。至察爾巴注正渠。其正渠自金珠鄂佛羅站西北流至擦爾巴受支津。又東北經馬當溝卡倫入長春府界牡丹江。即瑚爾哈河出敦化縣西南老嶺東流經帽兒山南右納四道溝水。經懷德鄉西東北流左納黃泥河大石

頭河。又東北經鄂多哩城東及縣治東。左納小石頭河。又北雷風氣河自烏松磧于東合朝陽河宋家店河黃泥河興隆河東流注之。又北經通溝嶺北受頭道河。河舊名珊延木克河。出縣南大秫稽塔嶺合二道河三道河北流。沙河合黃泥河柳樹河板橋河涼水泉西南流來會。又西北流左納興隆川。右納三清觀河及沙河支津。經高麗盤道又北。馬鹿溝河合二道溝四道溝水西南流注之。又西北經通溝站注於牡丹江。牡丹江又西北。左

納蝦蟆塘河黑石河。右納叉魚河。又西北經高麗城。受鄂穆赫索河。河上源為東西馬鹿溝。並出縣北洋白山。合而南經鄂穆赫站。意氣松河合朱爾多河東南流注之。折東南。臧航河合大小沙河東流注之。又東右納蘇子河。左納一小水。折南注於牡丹江。牡丹江又東流經長嶺子北。都稜河合諸小水南流注之。又東右受馬鹿溝支津入甯古塔城界。伊勒們河出伊通州東南萬寶山。二源合而北。經神仙洞。玻璃河亦出伊通州境。東北流注之。又西北經五花


頂屯東。雙陽河出暖泉于北流。合石頭河來注之。又北折東。經蓮花泡屯北。岔路河亦出伊通州。合一小水北流注之。又東左納興隆河。又東經石灰窰。蘇通河合雙河。倒水溝河五里河北流來注之。又東而北。木石河合小河灣河西南流注之。又北石納丁家屯河入長春府界。大伊通河出伊通州南山西北流。經大宛屯東。又西合小伊通河。經州治東。又北右納柳樹河。又北經勒克山東北。溝口屯河合放牛溝河來注之。又北出伊通邊門入長春府界。赫爾蘇河即東


遼河。自奉天府海龍廳入界。東北流經伊通州西南。又經赫爾蘇站。大孤山河合小孤山河西北流注之。又北左納張家溝黃米溝水。又北出赫爾蘇邊門入奉天府奉化縣界。扣河一名大清河。又曰瞻河。亦自海龍廳入境。西北流經州西歡喜嶺。又西北經前城子。葉赫河一曰橫道河。自嘎哈嶺西流合老虎洞溝。艾家溝水來注之。又西南入奉天府開原縣界。長白山舊名果勒敏珊延阿林。在府東南。望祭山即溫德亨山。在府西南。府東界甯古塔城。西及西北界長春。

府南界朝鮮北界伯都訥廳東南界琿春城西
南界

盛京奉天府昌圖府東北五常廳

長春府圖





長春府在省治西北二百四十里至

京師二千二百里。領縣一。北農安。松花江自吉林府北流經府東北。其東為伯都訥廳界。又北經瑩波山東。左出一支津經巴彥通北。復合沐石河。合太平溝河。自東南來注之。又西北經張述口。北左納一小水。又經紅石碕。北南受伊通河。河自吉林府伊通州北流入界。右納新立城河。又經府治東而北。至農安縣南驛馬河。自蒙古入境。東流合新開河來注之。又東北經農樂社南。伊勒們河。自吉林府來合。新立屯河。沙河霧

海河來會。又東北入松花江。松花江又西北流。
左納青山口河。卜魁溝河。折西經張家店。左納
一小水。又西北入蒙古界。府東至南界。吉林府
西及西南界。奉天昌圖府北及西北界。蒙古郭
爾羅斯前旗東北界。伯都訥廳。